

ւոյն Սերերքոյնցս, ի վայելումն անձին իմոյ. ի թուականութեան յարեթական տոմարի ՌՁԸ, հոկտեմբերի 23, օրն չորեքշաբաթի. ի հայրապետութեան Հայոց Տէր Փիլիպպոս կաթողիկոսին, և առաջնորդութեան Լեհաց Տէր Նիկողայոսին. և ի թագաւորութեան Գ. Վլատիսլաւին. զոր Տէր Աստուած փառով! վայելել տացէ. ամէն: [Ի Կեսարիա]:

1639.

Մէն Տէր Ներսէս Հօլուպ վոյթ օղլու ալղմ սաթուն պու Բառգիրքնի Բան Պաղչաշ վակէր իմուն Տէր Աստուածատուր օղլու բէփն լօ սմկա? թվ. ՌՁԷ, յունվարի ԺԷ. դշ. (չորեքշ). խայսին օլ Օլախ վէլիյաթնա, ալայօէ սաթուն ալթէսի Զ (վեց) լէվթովըյ դալարիա: [Բառգիրք ի կայսեր. գրատան վիեննայ]:

1641.

Որք աստուածային սիրոյն հրովն վառեալ են՝ միշտ փութան բարի և Աստուծոյ հաճելի յիշատակ յաշխարհի թողուլ. որպէս և սիրելիս Աստուծոյ Տէր Խաչատուր մէհտէսի կրօնաւոր, այս սուրբ Աւետարանս ետ գրել՝ մեղաւոր մէկ կարգաւորի, լցեալ մեղօք և տառապեալ մտօք: Արդ որք հանդիպիք կամ ժառանգէք՝ յիշեցէք զխաչատուր կրօնաւոր. և զհայրն իմ զԽաչատուր և զմայր իմ Հռիփսեմայ, և զբնաւ զարմն, և թողութիւն յԱստուծոյ խնդրեցէք, զի և ձերն թողցի. ամէն: Գրեցաւ այս սուրբ Աւետարանս ի քաղաքն Սէջով, ընդ հովանեաւ Ս. Սիմէոնայ եկեղեցի, ի կաթողիկոսութեան Տէր Փիլիպպոսի, և յառաջնորդութեան այս գաւառիս՝ Տէր Անդրէաս արքեպիսկոպոսի, ի թագաւորութեան Օլախաց Վասիլ վոյվոտային. ի թվականութեան յարեթական տոմարի ՌՁԹ, հոկտ. 23. (օրն) զշ (ուրբաթ). զոր Աստուած բարով վայելել տացէ ընդ երկայն աւուրս: Զմեղապարտ զծողս յիշեցէք, և Աստուած զձեզ յիշէ: [Ի Ս. Ղազար]:

1643-4.

Աւարտեցաւ քրիստոսահիմն և առաքելախօս մարգարէաշէն հոգիաբուղիս այս տառ (Ճաշոց) ձեռամբ յոգնամեղ և անարհեստ գրչի՝ Տէր Սարգիս քահանայի, ի խնդրոյ աստուածասէր և բարեպաշտօն երկու եղբարոյ, խոճայ վասիլին և խոճայ Պաւղոսին, ի թուարեութեանս Հայկազան սեռիս տոմարի ՌՂԲին. ի հայրապետութեան Հայոց Տեառն Տէր Փիլիպպոսին, և առաջնորդութեան Տէր Անդրէաս արհեպիսկոպոսին Պուղտանաց երկրի, և թագաւորութեանս Վասիլ բարեպաշտ վոյվոտային. ի մայրաքաղաքն Եաշ, ընդ հովանեաւ Ս. Աստուածածնին և Ս. Լուսաւորչին. և քահանայութեանս Տէր Մովսէսին և Տէր Խաչատրին, Տէր Ղուկասին և գրչիս, և երեսփոխանութեան խոճայ Ակսէնային: